



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 2 » mart

№ 114

Toshkent sh.

Монополияга қарши комплаенс тизимини жорий этиш чора-тадбирлари түғрисида

Ўзбекистон Республикаси Президентининг “Рақобат мухитини янада ривожлантириш ва иқтисодиётдаги давлат иштирокини қисқартириш бўйича қўшимча чора-тадбирлар түғрисида” 2020 йил 6 июлдаги ПФ-6019-сон Фармонининг ижросини таъминлаш, шунингдек, рақобат түғрисидаги қонун талабларининг бузилиш хавфининг олдини олиш ва бизнес юритишнинг корпоратив стандартларини жорий этишга оид самарали тизимни ташкил этиш мақсадида Вазирлар Маҳкамаси қарор қиласди:

1. Ўзбекистон Республикаси Президентининг “Рақобат мухитини янада ривожлантириш ва иқтисодиётдаги давлат иштирокини қисқартириш бўйича қўшимча чора-тадбирлар түғрисида” 2020 йил 6 июлдаги ПФ-6019-сон Фармонига (кейинги ўринларда – Фармон) мувофиқ фаолиятнинг рақобат түғрисидаги қонунчилик хужжатлари талабларига мувофиқлигини таъминлаш, уларнинг бузилиш хавфини аниқлаш ва олдини олиш бўйича ички ташкилий тартиб-таомиллар тизими (монополияга қарши комплаенс):

2021 йил 1 январдан тажриба (синов) тариқасида давлат бошқаруви органлари, маҳаллий ижро этувчи ҳокимият органларида ҳамда Фармонга 5-илова билан тасдиқланган рўйхатга киритилган давлат иштирокидаги корхоналарда;

2022 йил 1 январдан табиий монополия субъектлари, товар ёки молия бозорида устун мавқега эга бўлган хўжалик юритувчи субъектлар, шунингдек, охирги уч йилда товар сотишдан олинган жами тушумининг ўртacha йиллик миқдори 30 миллиард сўмдан ошадиган корпоратив буюртмачиларда жорий этилиши маълумот учун қабул қилинсин.

2. Белгилансинки:

а) монополияга қарши комплаенс тизими фаолиятнинг рақобат түғрисидаги қонунчилик хужжатларига мувофиқлигини таъминлаш, хукуқбузарликлар хавфини аниқлаш ва уларнинг олдини олишга қаратилган ички ташкилий чора-тадбирлар ва таомилларни ўз ичига олади;

б) қўйидагилар монополияга қарши комплаенс тизимининг асосий вазифалари ҳисобланади:

рақобат түғрисидаги қонунчилик хужжатлари талабларининг эҳтимолий бузилиш хавфларини аниқлаш ва баҳолаш ҳамда уни бошқариш;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар фаолиятининг рақобат тўғрисидаги қонунчилик хужжатлари талабларига мувофиқлигини таъминлаш ва мониторинг қилиш;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар фаолиятида рақобат тўғрисидаги қонунчилик хужжатлари талаблари бузилишининг ҳамда уларнинг раҳбарлари томонидан ўз вазифаларини бажариш жараёнида рақобатга зид хатти-ҳаракатлар амалга оширилишининг олдини олиш;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимини ишлаш самарадорлигини баҳолаш ва таъминлаш;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларнинг ходимларида рақобат тўғрисидаги қонунчилик хужжатлари талаблари бузилишининг олдини олиш ва мунтазам равишда ушбу йўналиш бўйича уларнинг малакасини ошириш юзасидан ўқитиш йўли билан рақобат тўғрисидаги қонунчилик хужжатларига доир фикрларини ривожлантириш.

3. Куйидагилар:

рақобат тўғрисидаги қонунчилик хужжатлари талабларига ички мувофиқликни таъминлашни назарда тутувчи **Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимини жорий этиш ва унинг ишлаш тартиби тўғрисидаги низом 1-иловага мувофиқ**;

Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимини жорий этиш бўйича “йўл ҳаритаси” 2-иловага мувофиқ тасдиқлансин.

4. Ўзбекистон Республикаси Монополияга қарши курашиш қўмитаси манбаатдор вазирликлар ва идоралар билан биргаликда ўзлари қабул қилган норматив-хукукий хужжатларни бир ой муддатда ушбу қарорга мувофиқлаштирун.

5. Мазкур қарорнинг бажарилишини назорат қилиш Ўзбекистон Республикаси Бош вазирининг молия-иктисодиёт ва камбағалликни қисқартириш масалалари бўйича ўринбосари – иктисодий тараккиёт ва камбағалликни қисқартириш вазири Ж.А. Кўчқоров зиммасига юклансин.

Ўзбекистон Республикасининг
Бош вазири



А.Арипов

Вазирлар Маҳкамасининг
2021 йил “2” март даги 114-сон қарорига
1-илова

**Давлат бошқаруви органлари, маҳаллий ижро этувчи ҳокимият
органлари ва хўжалик юритувчи субъектларда монополияга қарши
комплаенс тизимини жорий этиш ва унинг ишлаш тартиби тўғрисида
НИЗОМ**

1-боб. Умумий қоидалар

1. Мазкур Низом давлат бошқаруви органлари, маҳаллий ижро этувчи ҳокимият органлари, шунингдек, Ўзбекистон Республикаси Президентининг “Рақобат муҳитини янада ривожлантириш ва иқтисодиётдаги давлат иштирокини қисқартириш бўйича қўшимча чора-тадбирлар тўғрисида” 2020 йил 6 июлдаги ПФ-6019-сон Фармонга 5-илова билан тасдиқланган рўйхатга киритилган давлат иштирокидаги корхоналар, табиий монополия субъектлари, товар ёки молия бозорида устун мавқега эга хўжалик юритувчи субъектлар, шунингдек охирги уч йилда товар сотишдан олинган жами тушумининг ўртacha йиллик микдори 30 миллиард сўмдан ошадиган корпоратив буюртмачиларда (кейинги ўринларда – хўжалик юритувчи субъектлар) монополияга қарши комплаенс тизимини жорий этиш, унинг фаолият юритиш ва мониторинг қилиш тартибини белгилайди.

2. Мазкур Низомда куйидаги асосий тушунчалардан фойдаланилади:

монополияга қарши курашиш органи – Ўзбекистон Республикаси Монополияга қарши курашиш қўмитаси ва унинг худудий бошқармалари;

монополияга қарши комплаенс – фаолиятнинг рақобат тўғрисидаги қонунчилик хужжатларига мувофиқлигини таъминлаш, хукуқбузарликлар хавфини аниқлаш ва уларнинг олдини олишга қаратилган ички ташкилий чора-тадбирлар ва таомиллар тизими;

монополияга қарши комплаенс тўғрисидаги хисобот – давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда рақобат тўғрисидаги қонунчилик хужжатларига амал қилинишини ташкил этиш ҳақидаги ахборотни ўз ичига оладиган хужжат;

ваколатли шахс (бўлинма) – давлат бошқаруви органлари, маҳаллий ижро этувчи ҳокимият органлари ва хўжалик юритувчи субъект раҳбарига бевосита бўйсунадиган, монополияга қарши комплаенс тизимини ишлаб чиқиш, жорий этиш ва унинг тегишли мониторингини, шунингдек, фаолиятини таъминлаш учун масъул бўлган алоҳида таркибий бўлинма ёки шахс;

савдолар – товар ва хизматларни харид қилиш ва сотиш билан боғлиқ бўлган таомиллар, шу жумладан, электрон савдо таомиллари.

3. Мазкур низом қуидагилар учун татбиқ этилади:

2021 йил 1 январдан – тажриба (синов) тариқасида давлат бошқаруви органлари, маҳаллий ижро этувчи ҳокимият органлари ҳамда Ўзбекистон Республикаси Президентининг “Рақобат мұхитини янада ривожлантириш ва иқтисодиётдаги давлат иштирокини қисқартириш бўйича қўшимча чоратадбирлар тўғрисида” 2020 йил 6 июлдаги ПФ–6019-сон Фармонга 5-илова билан тасдиқланган рўйхатга киритилган давлат иштирокидаги корхоналар;

2022 йил 1 январдан – табиий монополия субъектлари, товар ёки молия бозорида устун мавқега эга хўжалик юритувчи субъектлар, шунингдек охирги уч йилда товар сотишдан олинган жами тушумининг ўртача йиллик миқдори 30 миллиард сўмдан ошадиган корпоратив буюртмачилар.

4. Қуидагилар монополияга қарши комплаенс тизимининг асосий вазифалари ҳисобланади:

рақобат тўғрисидаги қонунчилик ҳужжатлари талабларининг эҳтимолий бузилиш хавфларини аниқлаш ва баҳолаш ҳамда уни бошқариш;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар фаолиятининг рақобат тўғрисидаги қонунчилик ҳужжатлари талабларига мувофиқлигини таъминлаш ва мониторинг қилиш;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар фаолиятида рақобат тўғрисидаги қонунчилик ҳужжатлари талаблари бузилишининг ҳамда уларнинг раҳбарлари томонидан ўз вазифаларини бажариш жараёнида рақобатга зид хатти-ҳаракатлар амалга оширилишининг олдини олиш;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимини ишлаш самарадорлигини баҳолаш ва таъминлаш;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларнинг ходимларида рақобат тўғрисидаги қонунчилик ҳужжатлари талаблари бузилишининг олдини олиш ва мунтазам равишда ушбу йўналиш бўйича уларнинг малакасини ошириш юзасидан ўқитиш йўли билан рақобат тўғрисидаги қонунчилик ҳужжатларига доир фикрларини ривожлантириш.

2-боб. Монополияга қарши комплаенс тизимини ташкил этиш

5. Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимини жорий этиш, унинг фаолият юритишини таъминлаш ва мониторинг

қилиш мақсадида ташкилий тузилма, штатдаги ходимлари сони ва фаолият хусусиятига мувофиқ ваколатли шахс (бўлинма) тайинланади.

Хўжалик юритувчи субъектларда монополияга қарши комплаенс тизимини жорий этиш, унинг фаолият юритишини таъминлаш ва мониторинг қилиш ички аудит хизматига юкланиши мумкин.

Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимини ташкил этиш ва унинг ишлаш самарадорлигини баҳолаш давлат бошқаруви органларида раҳбар томонидан, маҳаллий ижро этувчи ҳокимиятда ҳоким томонидан ва хўжалик юритувчи субъектларда ижро этувчи орган ёки кузатув кенгаши томонидан амалга оширилади.

6. Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимини жорий этиш ва унинг фаолиятини мониторинг қилиш ваколатли шахси (бўлинмаси) томонидан амалга оширилади.

7. Ваколатли шахс (бўлинма) куйидагиларни амалга оширади:

рақобат тўғрисидаги қонунчилик ҳужжатлари талаблари бузилишини мониторинг қиласди;

фаолиятга тегишли материалларни таҳлил қиласди (шу жумладан, рақобатни ва (ёки) истеъмолчиларнинг хукуқ ва манфаатларини чеклайдиган нормаларни аниқлашга қаратилган ички ҳужжатларни хатловдан ўтказади), аниқланган камчиликларни бартараф этишга йўналтирилганchorаларни ишлаб чиқади;

рақобат чекловларини келтириб чиқариши мумкин бўлган омилларни аниқлайди ва уларни бартараф этиш бўйича таклифлар ишлаб чиқади;

монополияга қарши комплаенс тизимининг фаолият юритиши билан боғлиқ масалалар бўйича бошка тузилмавий бўлинмалар билан ўзаро алоқаларни мувофиқлаштиради;

рақобат тўғрисидаги қонунчилик ҳужжатлари талаблари бузилиш билан боғлиқ ички ўрганиш ишларини ташкил этади;

монополияга қарши курашиш органи билан рақобат тўғрисидаги қонунчилик ҳужжатлари талаблари бузилиши бўйича ўзаро ахборот алмашади;

рақобат тўғрисидаги қонунчилик ҳужжатлари талабларининг бузилиш хавфларини камайтириш мақсадида бир йилга мўлжалланган “йўл харитаси”ни ишлаб чиқади ва амалга оширилишини таъминлайди;

монополияга қарши комплаенс тизимини ташкил этиш бўйича ички низом ишлаб чиқади ҳамда унинг белгиланган тартибда тасдиқланишини таъминлайди;

рақобат тўғрисидаги қонунчилик ҳужжатлари ўзгаришларни мониторинг қилади, шунингдек, идоравий ҳужжатларга тегишли ўзгартиришлар киритиш юзасидан таклифлар киритади;

рақобат тўғрисидаги қонунчилик ҳужжатлари талабларининг бузилиш хавфларини аниқлайди, хавфлар билан боғлиқ ҳолатлар ҳисобини юритади ва юзага келиш эҳтимолини белгилайди;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар фаолиятида рақобат чекловларини келтириб чиқариши мумкин бўлган манфаатлар тўқнашувини аниқлайди, уларни бартараф этиш бўйича таклифлар ишлаб чиқади;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларнинг ходимларига рақобат тўғрисидаги қонунчилик ҳужжатлари талабларига амал қилиш билан боғлиқ масалалар бўйича маслаҳатлар беради;

монополияга қарши комплаенс масалалари бўйича мунтазам равища тренинглар ўтказади;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар томонидан қабул қилинадиган ҳужжатларнинг лойиҳаларини ўрганади ва рақобат тўғрисидаги қонунчилик ҳужжатлари талабларининг бузилишини келтириб чиқариши мумкин бўлган нормалар аниқланган тақдирда, бу ҳакда раҳбарни хабардор қилади;

давлат бошқаруви органларининг Қорақалпогистон Республикаси, Тошкент шаҳар ва вилоятлар худудий органлари ўзларининг худудий бўлинмаларида монополияга қарши комплаенс тизимининг жорий этилиши ва самарали фаолият кўрсатишини ташкил этади;

хар йили биринчи февралга қадар монополияга қарши комплаенс ҳақидаги ҳисботни давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларнинг раҳбариятига тасдиқлаш учун тақдим этади.

8. Ваколатли шахснинг (бўлинманинг масъул ходимларининг) лавозимга тайинланиши ва лавозимдан озод этилиши:

давлат бошқаруви органида – раҳбар томонидан;

давлат бошқарув органларининг Қорақалпогистон Республикаси, Тошкент шаҳар ва вилоят худудий органларида – мазкур органларининг раҳбарлари томонидан;

маҳаллий ижро этувчи ҳокимият органларида – вилоят, туман (шаҳар) ҳокими томонидан;

хўжалик юритувчи субъектда – ижро этувчи орган томонидан кузатув кенгаши (агар мавжуд бўлса) билан келишилган ҳолда, монополияга қарши органни хабардор қилган ҳолда амалга оширилади.

Бунда монополияга қарши органни хабардор қилиш куйидаги тартибда амалга оширилади:

давлат бошқаруви органи – Ўзбекистон Республикаси Монополияга қарши курашиш қўмитасини;

давлат бошқаруви органларининг Қорақалпоғистон Республикаси, Тошкент шаҳар ва вилоятлар худудий органлари, маҳаллий ижро этувчи ҳокимият органлари ҳамда хўжалик юритувчи субъектлар - Ўзбекистон Республикаси Монополияга қарши курашиш қўмитасининг тегишли худудий бошқармаларига хабарнома юборади.

Ваколатли шахс (бўлинма) давлат бошқаруви органида бевосита раҳбарга, давлат бошқарув органларининг Қорақалпоғистон Республикаси, Тошкент шаҳар ва вилоят худудий органларида, маҳаллий ижро этувчи ҳокимият органларида вилоят ва туман ҳокимларига, хўжалик юритувчи субъектда ижро этувчи органга ёки кузатув кенгашига (агар мавжуд бўлса) бўйсунади ва ҳисобдор бўлади.

9. Ваколатли шахс (бўлинманинг масъул ходимлари) лавозимига номзод куйидаги талабларга жавоб бериши лозим:

иктисодиёт, бошқарув тизими (менеджмент), ҳукуқ ёхуд давлат бошқаруви органи ёки хўжалик юритувчи субъект фаолиятининг асосий йўналишларидан бири бўйича олий маълумотга эга бўлиши;

устувор равишда комплаенс, хавфларни бошқариш, ички аудит ёхуд давлат органи ёки хўжалик юритувчи субъект фаолиятини юридик таъминлаш йўналишлари бўйича камидা бир йиллик иш тажрибасининг мавжудлиги.

10. Монополияга қарши курашиш органи:

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларга монополияга қарши комплаенс тизимини жорий этиш ва фаолиятини юритишида ҳамда рақобат тўғрисидаги қонунчилик хужжатлари талабларининг бузилиш хавфларини камайтириш бўйича бир йилга мўлжалланган “йул ҳаритаси”нинг ишлаб чиқилишида қўмаклашади;

рақобат тўғрисидаги қонунчилик хужжатлари талабларининг бузилиш хавфларини камайтириш бўйича “йўл ҳаритаси”ни амалга ошириш натижаларини ўрганади;

монополияга қарши комплаенс тизимининг асосий самарадорлик кўрсаткичларининг бажарилиш натижаларини баҳолайди;

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар томонидан тақдим этилган монополияга қарши комплаенс ҳақидаги ҳисботни ўрганади ҳамда камчиликлар ва қонунбузарликлар аниқланган тақдирда, давлат органлари ва хўжалик юритувчи субъектларга тегишли огоҳлантиришлар беради;

консалтинг компанияларни жалб этган ҳолда монополияга қарши комплаенс тизимини жорий этиш бўйича семинарлар, конференциялар ва амалий тренингларни ташкил қиласди;

монополияга қарши комплаенс тизимини жорий этиш ва унинг ижросини мониторинг қилиш, рақобат тўғрисидаги қонунчилик хужжатлари талабларининг бузилиш хавфларини аниқлаш ва баҳолаш, монополияга қарши комплаенс тизимини ишлаш самарадорлигининг асосий кўрсаткичлари ва уни баҳолаш тартиби ҳамда бошқа чора-тадбирларни назарда тутувчи намунавий низомни ишлаб чиқиб тасдиклайди, давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларга етказади ҳамда Интернет жаҳон ахборот тармоғидаги расмий веб-сайтида жойлаштиради.

3-боб. Рақобат тўғрисидаги қонунчилик хужжатлари талабларининг бузилишини аниқлаш

11. Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда рақобат тўғрисидаги қонунчилик хужжатлари талабларининг бузилиш хавфларини аниқлаш мақсадида ваколатли шахс (бўлинма) томонидан қуидагилар амалга оширилади:

рақобат тўғрисидаги қонунчилик хужжатлари талабларининг бузилишига ёки бозорда рақобатни чеклашга олиб келадиган нормалар ва қоидаларни аниқлаш мақсадида норматив-хуқуқий хужжатларни ўрганиш;

жорий этиладиган янги чекловлар, рухсат бериш тартиб-таомилларининг янги турлари, лицензияларни, шунингдек, рухсат бериш хусусиятига эга хужжатларни ёки лицензияларни олиш учун қўшимча талаблар ёки шартларни ҳамда техник тартибга солиш талабларининг жорий этилишини ўрганиш;

тендер ва биржа савдоларига қўйиладиган монополияга қарши талабларга амал қилинишини таҳлил қилиш;

давлат харидларининг рақобат тўғрисидаги қонунчилик хужжатлари талабларига мувофиқлигини ўрганиш;

аниқланган рақобат тўғрисидаги қонунчилик хужжатлари талабларини бузиш ҳолатларини таҳлил қилиш;

рақобат тўғрисидаги қонунчилик хужжатларини қўллаш амалиётини мониторинг ва таҳлил қилиш;

рақобат тўғрисидаги қонунчилик хужжатлари талабларининг бузилиш хавфларини камайтириш бўйича ишлаб чиқилган ва амалга оширилаётган чора-тадбирлар самарадорлигини мунтазам равишда баҳолаш;

хўжалик юритувчи субъект томонидан ўзининг устун ҳолатини суистеъмол қилишга, монопол юқори ёки монопол паст нархларни

ўрнатишга, контрагентларга манфаатсиз ва чекловчи шартнома шартларини мажбуран қабул қилдиришга, тил биритиришлар, келишувлар ва келишилган ҳаракатларни аниклаш, бошқа хўжалик юритувчи субъектларнинг товар бозорига киришига тўсиқлар яратишга олиб келадиган ёки олиб келиши мумкин бўлган ҳаракатларни ўрганиш;

хўжалик юритувчи субъектнинг рақобат тартиб-таомилларини, шу жумладан, савдолар ва биржа савдоларини ўтказиш ва уларда қатнашиш бўйича талабларга амал қилишини ўрганиш;

вужудга келиш эҳтимоли бўлган монополияга қарши хавфларни таҳлил қилиш ва уларнинг рўйхатини комплаенс-хавфлар харитаси кўринишида тузиш;

рақобат тўғрисидаги қонунчилик ҳужжатлари талабларининг бузилиш хавфларини камайтириш бўйича ишлаб чиқилган ва амалга оширилаётган тадбирларнинг самарадорлигини мунтазам равишда баҳолаш.

давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар фаолиятининг хусусиятидан келиб чиқсан ҳолда, монополияга қарши комплаенс тизимининг самарали ишлашига қаратилган бошқа чора-тадбирлар ҳам амалга оширилади.

12. Рақобат тўғрисидаги қонунчилик ҳужжатлари талабларининг бузилиш бўйича аниқланадиган хавфлар ваколатли шахс (бўлинма) томонидан мазкур низомга иловага мувофиқ даражалар бўйича тақсимланади.

13. Рақобат тўғрисидаги қонунчилик ҳужжатлари талаблари бузилиши хавфлари бўйича ўтказилган баҳолаш ишлари асосида ваколатли шахс (бўлинма) томонидан хавфлар тавсифи тузилади, унга хавфларнинг пайдо бўлиш сабаблари ва шартларини баҳолаш ишлари ҳам киритилади.

14. Рақобат тўғрисидаги қонунчилик ҳужжатлари талабларининг бузилиш хавфларини таҳлил қилиш, аниқлаш ва баҳолаш тўғрисидаги ахборот монополияга қарши комплаенс ҳақидаги ҳисботга киритилади.

4-боб. Монополияга қарши комплаенс тизимининг ишлаш самарадорлигини баҳолаш

15. Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимининг ишлаш самарадорлигини баҳолаш учун асосий кўрсаткичлар белгиланади.

16. Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимининг ишлаш самарадорлигини баҳолаш бўйча асосий кўрсаткичларни ҳисоблаш методикаси монополияга қарши курашиш органи томонидан ишлаб чиқилади.

17. Ваколатли шахс (бўлим) давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимининг эришилган асосий самарадорлик кўрсаткичларини баҳолайди (йилда камида бир марта).

18. Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс тизимининг ишлаш самарадорлигини баҳолаш бўйича асосий кўрсаткичларга эришилгани тўғрисидаги ахборот монополияга қарши комплаенс ҳақидаги ҳисоботга киритилади.

5-боб. Монополияга қарши комплаенс ҳақидаги ҳисобот

19. Монополияга қарши комплаенс ҳақидаги ҳисобот куйидагиларни ўз ичига қамраб олади:

рақобат тўғрисидаги қонунчилик хужжатлари талабларининг бузилиш хавфлари бўйича ўтказилган баҳолаш ишларининг натижалари ҳамда камайтириш бўйича чора-тадбирларнинг бажарилиши;

монополияга қарши комплаенс тизимининг асосий самарадорлик кўрсаткичларига эришилгани ҳақидаги ахборот.

20. Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектлар томонидан тасдиқланган монополияга қарши комплаенс бўйича ҳисобот ўзларининг расмий веб-сайтида жойлаштирилади ва уч иш куни ичida монополияга қарши курашиш органига юборилади.

6-боб. Якунловчи қоидалар

21. Мазкур низомни қўллаш билан боғлиқ низолар қонунчилик хужжатларида белгиланган тартибда ҳал этилади.

22. Мазкур низом талабларини бузишда айбдор бўлган шахслар қонунчилик хужжатларида белгиланган тартибда жавобгар бўладилар.

Вазирлар Махкамасининг
2021 йил “2” мартдаги 114-сон қарорига
2-илова

**Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда
монополияга қарши комплаенс тизимини жорий этиш бўйича
“йўл харитаси”**

T/p	Чора-тадбир номи	Амалга ошириш механизми	Бажариш муддати	Масъул ижрочилар
I. Монополияга қарши комплаенс маданияти ва сиёсатини жорий килиш				
1	Монополияга қарши комплаенс фаолиятини ташкил этиш.	Давлат бошқаруви органлари, маҳаллий ижро этувчи ҳокимият органлари, шунингдек, Ўзбекистон Республикаси Президентининг “Рақобат мухитини янада ривожлантириш ва иқтисодиётдаги давлат иштирокини қисқартириш бўйича қўшимча чора-тадбирлар тўғрисида” 2020 йил 6 июлдаги ПФ-6019-сон Фармонга 5-илова билан тасдиқланган рўйхатга киритилган давлат иштирокидаги корхоналар, табиий монополия субъектлари, товар ёки молия бозорида устун мавқега эга хўжалик юритувчи субъектлар, шунингдек охирги уч йилда товар сотишдан олинган жами тушумининг ўртacha йиллик миқдори 30 миллиард сўмдан ошадиган корпоратив буюртмачиларда (кейинги ўринларда – хўжалик юритувчи субъектлар) монополияга қарши комплаенс тизимини жорий этиш.	2021-2024 йй.	Давлат бошқаруви органлари, маҳаллий ижро этувчи ҳокимият органлари, “Uzbekistan Airways” АЖ, “Кварц” АЖ, “Асака” акциядорлик тижорат банки, “UzAuto motors” АЖ, “Ўзтрансгаз” АЖ, “Навоийазот” АЖ, “Иссиқлик электр станциялари” АЖ, “Ўзбекистон миллий электр тармоқлари” АЖ, “Қизилқумцемент” АЖ, хўжалик юритувчи субъектлари, Монополияга қарши курашиш кўмитаси, Давлат активларини бошқариш агентлиги
2	Хавфларни баҳолаш тартибини ташкил этиш.	Хавфларни баҳолаш тартиб қоидалари бўйича ички низомлар ва (ёки) кўрсатмаларни ишлаб чиқиш ва тасдиқлаш.	2021 йил апрель	Давлат бошқаруви органлари, маҳаллий ижро этувчи ҳокимият органлари, “Uzbekistan Airways” АЖ, “Кварц” АЖ,

Т/р	Чора-тадбир номи	Амалга ошириш механизми	Бажарыш муддати	Масъул ижро чилар
				<p>“Асака” акциядорлик тијорат банки, “UzAuto motors” АЖ, “Ўзтрансгаз” АЖ, “Навоийазот” АЖ, “Иссиқлик электр станциялари” АЖ, “Ўзбекистон миллий электр тармоклари” АЖ, “Қизилкүмцемент” АЖ, хўжалик юритувчи субъектлари, Монополияга қарши курашиб кўмитаси, Давлат активларини бошқариш агентлиги</p>
3	Жамиятда рақобат маданияти ва рақобатга қарши ҳар қандай хатти-харакатларга нисбатан муросасизликни шакллантириш.	<p>1. Монополияга қарши комплаенс тизимини жорий қилиш бўйича семинарлар, конференциялар ва амалий тренинглар ўтказиш. 2. Монополияга қарши комплаенс тизимини жорий этиш ва унинг ижросини мониторинг қилиш, рақобат тўғрисидаги қонунчиллик хужжатлари талабларининг бузилиш хавфларини аниклаш, монополияга қарши комплаенс тизимини ишлаш самарадорлигининг асосий кўрсаткичлари ва уни баҳолаш тартибини назарда тутувчи намунавий низомни ишлаб чиқиши. 3. Монополияга қарши комплаенс тизими жорий этилган Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда илгор хорижий тажрибага асосан монополияга қарши комплаенснинг ишлаш самарадорлигини баҳолаш бўйича асосий кўрсаткичларни хисоблаш методикасини ишлаб чиқиши. 4. Кадрларни тайёрлаш ва малакасини ошириш жараёнларига монополияга қарши комплаенс тизимни</p>	<p>2021 йил апрель-май 2021 йил апрель 2022 йил 1 январга қадар Доимий</p>	<p>Монополияга қарши курашиб кўмитаси, Давлат активларини бошқариш агентлиги</p>

Т/р	Чора-тадбир номи	Амалга ошириш механизми	Бажариш муддати	Масъул ижро чилиар	
		жорий этиш соҳасидаги Европа тикланиш ва таракқиёт банки, Жаҳон банки ҳамда Европада хавфсизлик ва ҳамкорлик ташкилотлари ва бошқа халқаро институтларнинг техник кўмагидан фойдаланган ҳолда халқаро эксперталар ва профессор-ўқитувчиларни жалб қилин.			
II. Рақобат тўғрисидаги қонунчилик хужжатларига зид ҳатти-ҳаракатлар хавфларини баҳолаш					
4	Барча фаолият турлари бўйича монополияга қарши хавфларни баҳолаш ва комплаенс хавфларини минималлаштириш.	Рақобат тўғрисидаги қонунчилик хужжатлари талабларини бузиш хавфининг олдини олиш йиллик ҳаракатлар режасини (“йўл харитаси”) ишлаб чиқиш.	Ҳар йили декабрь ойи	Давлат бошқаруви органлари, маҳаллий ижро этувчи ҳокимият органлари, “Uzbekistan Airways” АЖ, “Кварц” АЖ, “Асака” акциядорлик тижорат банки, “UzAuto motors” АЖ, “Ўзтрансгаз” АЖ, “Навоийазот” АЖ, “Иссиқлик электр станциялари” АЖ, “Ўзбекистон миллий электр тармоклари” АЖ, “Қизилқумцемент” АЖ, хўжалик юритувчи субъектлари, Монополияга қарши курашиш кўмитаси, Давлат активларини бошқариш агентлиги	
5	Йўл белгиланган бажарилиши мониторингни ошириш.	харитасида бандларнинг юзасидан амалга	1. Рақобат тўғрисидаги қонунчилик хужжатлари талабларини бузиш хавфининг олдини олиш йиллик ҳаракатлар режасини (“йўл харитаси”) ишлаб чиқиш ва унинг бажарилиши бўйича доимий равишда мониторинг ишларини олиб бориш. 2. Рақобат ҳукуқини қўллаш амалиёти тўғрисида доимий равишда маълумот тўплаш ва натижаларга кўра	Доимий	Монополияга қарши курашиш кўмитаси

Т/р	Чора-тадбир номи	Амалга ошириш механизми	Бажарип муддати	Масъул ижрочилар
		<p>уларда рақобат хукукини кўллаш амалиётидаги ўзгаришлар ва асосий жиҳатлар бўйича таҳлилий ҳисбот тайёрлаш.</p> <p>3. Рақобат қонунчилик хужжатлари нормаларини кўллаш амалиётидаги натижаларни муҳокама қилиш ва учрашувларини ўтказиш.</p>		
III. Монополияга қарши комплаенсни жорий этиш самараадорлигини баҳолаш				
6	Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда монополияга қарши комплаенс фаолиятининг самараадорлигини баҳолаш.	Монополияга қарши комплаенс фаолиятининг самараадорлигини баҳолаш учун асосий кўрсаткичларни ҳисоблаш методикасини ишлаб чиқиш.	2021 йил апрель	Монополияга қарши курашиб кўмитаси
7	Монополияга қарши комплаенснинг самараадорлигини мониторинг қилиш.	<p>1. Монополияга қарши комплаенс бўйича ҳисбот тайёрлаш:</p> <p>Давлат бошқаруви органлари, маҳаллий ижро этувчи ҳокимият органлари ва хўжалик юритувчи субъектларда рақобат тўғрисидаги қонун бузилиши хавфини баҳолаш натижалари тўғрисида;</p> <p>рақобат тўғрисидаги қонунчилик хужжатлари бузилиши хавфини камайтириш юзасидан кўрилган чора-тадбирларнинг амалга оширилиши тўғрисида;</p> <p>монополияга қарши комплаенснинг асосий кўрсаткичларига эришиш тўғрисида;</p> <p>монополияга қарши комплаенс фаолиятининг самараадорлигини баҳолаш учун асосий кўрсаткичларни ҳисоблаш тўғрисида.</p>	Ҳар йили 15 декабрга қадар	Давлат бошқаруви органлари, маҳаллий ижро этувчи ҳокимият органлари, “Uzbekistan Airways” АЖ, “Кварц” АЖ, “Асака” акциядорлик тижорат банки, “UzAuto motors” АЖ, “Ўзтрансгаз” АЖ, “Навоийазот” АЖ, “Иссиқлик электр станциялари” АЖ, “Ўзбекистон миллий электр тармоклари” АЖ, “Қизилқўумцемент” АЖ, хўжалик юритувчи субъектлари,

T/p	Чора-тадбир номи	Амалга ошириш механизми	Бажариш муддати	Масъул ижрочилар
		2. Монополияга қарши комплаенс түғрисидаги хисоботни расмий веб-сайтта жойлаштириш ва монополияга қарши органга юбориш.	Хар иили 25 декабря қадар	Монополияга қарши курашиш қўмитаси, Давлат активларини бошқариш агентлиги
8	Монополияга қарши комплаенсни амалга ошириш натижаларини баҳолаш.	1. Рақобат түғрисидаги қонунчилик ҳужжатлари бузилиши хавфини камайтириш бўйича ҳаракатлар харитаси (йўл харитасини) амалга ошириш натижаларини ўрганиш. 2. Рақобат түғрисидаги қонунчилик ҳужжатлари бузилиши хавфини баҳолаш натижаларини таҳдил қилиш орқали тавсиялар ишлаб чиқиш. 3. Монополияга қарши комплаенс кўрсаткичларининг бажарилиши ҳақидаги натижаларни баҳолаш.	Хар иили, январь-февраль	Монополияга қарши курашиш қўмитаси

Давлат бошқаруви органлари, маҳаллий ижро
этувчи ҳокимият органлари ва хўжалик
юритувчи субъектларда монополияга қарши
комплаенс тизимини жорий этиш ва унинг
ишлаш тартиби тўғрисидаги низомга
илова

**Рақобат тўғрисидаги қонунчилик хужжатлари талабларининг
бузилиш даражаси бўйича
НАМУНАВИЙ ХАВФЛАР ТАСНИФИ***

Эҳтимолликни бахолаш (юз бериш эҳтимоллари)	Оқибатлар даражаси		
	Паст	Ўртacha	Юқори
Юқори эҳтимоллик			
Ўртacha эҳтимоллик			
Паст эҳтимоллик			

*) Рақобат тўғрисидаги қонунчилик хужжатлари талабларининг бузилиш даражаси
бўйича хавфлар таснифи тавсиявий аҳамиятта эга бўлиб, бозор фаолиятининг ўзига хос
хусусиятига қараб ўзгаририлиши мумкин.

